



BOSNA I HERCEGOVINA
PARLAMENTARNA SKUPŠTINA
PREDSTAVNIČKI DOM

Komisija za ljudska prava, imigraciju, izbjeglice i azil

Broj: 01/5-011-1449/03

Sarajevo, 12.11.2003. godine

Z A P I S N I K

sa 8. sjednice Komisije za ljudska prava, imigraciju, izbjeglice i azil (u daljnjem tekstu: Komisija), održane 23.10.2003. godine, sa početkom u 9,00 sati.

Sjednici Komisije prisustvovali su:

- Elmir Jahić, predsjedavajući Komisije,
- Tihomir Gligorić, drugi zamjenik predjedavajućeg,
- Nadžida Mlaćo, član Komisije,
- Miloš Jovanović, član Komisije,
- Ruža Sopta, član Komisije,
- Selim Bešlagić, član Komisije,
- Muhamed Altić, član Komisije.

Sjednici nisu prisustvovali g. Martin Raguž i g. Munib Jusufović. Od gostiju, sjednici je prisustvovao poslanik prof.dr. Petar Kunić, predlagač Prijedloga zakona.

Za sjednicu je usvojen sljedeći

Dnevni red:

- 01. Usvajanje zapisnika 7. sjednice,**
- 02. Rasprava o Prijedlogu zakona o izmjenama i dopunama Zakona o izbjeglicama iz BiH i raseljenim osobama u BiH,**
- 03. Tekuća pitanja.**

Ad. – 1. Usvajanje zapisnika 7. sjednice Komisije.

Nakon usvajanja dnevnog reda, predsjedavajući Komisije, Elmir Jahić, predložio je raspravu i usvajanje zapisnika sa 7. sjednice.

O zapisniku nije bilo diskusije.

Kako nije bilo diskusije, predsjedavajući Komisije predložio je usvajanje zapisnika, pa je Komisija jednoglasno usvojila zapisnik sa 7. sjednice Komisije.

Ad. – 2. Rasprava o Prijedlogu zakona o izmjenama i dopunama Zakona o izbjeglicama iz BiH i raseljenim osobama u BiH,

U uvodnom izlaganju za drugu tačku dnevnog reda predsjedavajući Elmir Jahić ukazao je na okolnost da je Komisija za ljudska prava, imigraciju, izbjeglice i azil Predstavničkog doma Parlamentarne skupštine BiH (u daljnjem tekstu: Komisija) dobila 25.9.2003. godine akt broj: 01-02-1131/03, iz kojeg je vidljivo da je Predstavnički dom Parlamentarne skupštine Bosne i Hercegovine kao nadležnu za Prijedlog zakona o izmjenama i dopunama Zakona o izbjeglicama iz Bosne i Hercegovine i raseljenim licima u Bosni i Hercegovini (u daljem tekstu: Zakon), predlagača Petra Kunića, odredio ovu komisiju. Ujedno je aktom istaknuo da će se Prijedlog zakona razmatrati po hitnom postupku u skladu s članom 104. Poslovnika. Kako je Dom prihvatio razmatranje Prijedloga zakona po hitnom postupku u skladu sa članom 104.3, rokovi za dostavljanje izvještaja nadležne komisije predsjedavajućem Doma skraćeni su na pola. Predsjedavajući je podsjetio da je Ustavno-pravna komisija Predstavničkog doma Parlamentarne skupštine BiH, aktom broj 01/1-011-1361/03, dana 7.10.2003. godine dala mišljenje o Prijedlogu zakona i jednoglasno utvrdila da postoji valjan ustavno-pravni osnov za donošenje navedenog zakona, koji je sadržan u članu IV. tačka 4. a) u vezi s članom III. tačka 1. f) Ustava Bosne i Hercegovine i smatra da se ponuđeni tekst može uputiti nadležnoj komisiji Predstavničkog doma Parlamentarne skupštine BiH u daljnju zakonodavnu proceduru. Predložio je da se vodi rasprava o ponuđenom tekstu Prijedloga zakona.

Diskusija je prvo vođena o principima i članovima predloženog zakona. U diskusiji su učesovali, pored predlagača i svi prisutni članovi Komisije.

Predlagač Prijedloga zakona, prof. dr. Petar Kunić je u obraćanju ukazao na motive podnošenja ovog teksta. Prihvatio je sugestiju da se u obrazloženju teksta izraz “Hrvatska” zamijeni izrazom “lica iz zemalja nastalih iz bivše Jugoslavije” ili nekim drugim adekvatnim izrazom.

Drugi diskutanti su ukazivali na ovaj izraz, smatrajući da bi izraz “susjednih zemalja” ili neki drugi, bio precizniji i prikladniji.

Nakon provedene rasprave, Komisija je jednoglasno usvojila principe i načela Prijedloga zakona, te, kako nije bilo amandmana, prihvatila tekst Prijedloga zakona. Ona je zaključila da je predloženi zakon neophodno donijeti odmah, pa se tekst upućuje Predstavničkom domu Parlamentarne skupštine Bosne i Hercegovine u daljnju proceduru usvajanja.

U smislu odredbi člana 89. Poslovnika Predstavničkog doma Parlamentarne skupštine BiH, za izvjestioca u plenarnoj fazi Komisija je imenovala predsjedavajućeg Elmira Jahića.

Ad. - 03. Tekuća pitanja.

Po ovoj tački dnevnog reda bilo je više diskutanata.

G-da Ruža Sopta je upoznala članove Komisije o aktivnostima u predmetu «Arizona» Brčko, te je izvijestila prisutne da će podgrupa uraditi preuzeti posao i običi administraciju Brčko Distrikta, kao i podnosiocima predstavke, kada bude postojalo više slobodnog vremena.

G-din Selim Bešliagić je prisutne izvjestio o posjeti Crnom vrhu na kome se nalazi masovna grobnica žrtava rata. Podsjetio je da je dio Komisije posjetio i Komemorativni centar u Tuzli u kome se nalaze ostaci iskopanih žrtava, te ukazao na velike teškoće s kojim se susreću centri i službe koje vrše ovu aktivnost. Predložio je da se nastavi s realizacijom obilazaka i onih mjesta gdje su zakopani ili odloženi ostaci žrtava Hrvata i Srba. Ujedno je ukazao na postojanje pisma Komemorativnog centra Tuzla iz kojeg je vidljivo da nedostaje sredstava za njihov rad (oko 670.000 KM), a oni moraju funkcionirati, pa je predložio da se pismo uputi Vijeću ministara BiH da urgentno pomogne. Komisija je bila saglasna da se pismo uputi Vijeću ministara, a zaključila je da se nastavi za obilascima mjesta masovnog stradanja i sahranjivanja, te sačini adekvatan izvještaj.

G. Miloš Jovanović je aktuelizirao raniju ideju da predstavnici Komisije posjete Međunarodni tribunal u Hagu, te upoznaju se s radom i problemima ovog tijela. Ujedno bi posjetili optužena, pritvorena lica, a po mogućnosti, pratili bi suđenje koje bi bilo aktuelno u vrijeme posjete. Zaključeno je da se posjeta realizira u toku decembra 2003. godine.

Završavajući ovu tačku dnevnog reda, Komisija je završila 8. sjednicu.
Sjednica je završena u 9,30 sati.

SEKRETAR KOMISIJE

dr Zijad Hasić

PREDSJEDAVAJUĆI KOMISIJE

Elmir Jahić